

Na osnovu člana 2.2 i 2.12. Izbornog zakona Bosne i Hercegovine („ Službeni glasnik BiH“ broj 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini – prečišćeni tekst („Službeni glasnik Bosne i Hercegovine“, br. 29/18 i 36/19) i Odluke Općinskog vijeća Centar Sarajevo o objavljivanju Javnog oglasa za imenovanje člana Općinske izborne komisije, broj: 01-49-1060/19, od 30.05. 2019. godine Sarajevo, Općinsko vijeće Centar Sarajevo objavljuje

JAVNI OGLAS

- Za imenovanje 1(jednog) člana Općinske izborne komisije Centar Sarajevo.

I

Objavljuje se Javni oglas za imenovanje 1 (jednog) člana Općinske izborne komisije Centar Sarajevo. Članove Općinske izborne komisije imenuje Općinsko vijeće, uz saglasnost Centralne izborne komisije Bosne i Hercegovine na period od 7 (sedam) godina, od dana davanja saglasnosti Centralne izborne komisije Bosne i Hercegovine. Uslovi koje kandidat mora ispunjavati:

II

(OPĆI USLOVI)

1. Da je osoba sa pravom glasa;
2. Da posjeduje odgovarajuću stručnost i iskustvo u provođenju izbora.

III

(POSEBNI USLOVI)

1. Da ima prebivalište na području općine Centar Sarajevo;
2. Da ima završen fakultet, VII/1 stepen stručne spreme ili završen fakultet bolonjskog sistema studiranja sa najmanje 180 ETCS;
3. Da posjeduje iskustvo u provođenju izbora.

Pod iskustvom u provođenju izbora podrazumjeva se:

- članstvo u izbornoj komisiji i/ili

- članstvo u biračkom odboru na izborima obuhvaćenim Izbornim zakonom BiH.

Izuzetno od odredbe iz člana III tačke 1. posebnih uslova ovog Javnog oglasa, član Općinske izborne komisije može biti osoba sa prebivalištem iz druge općine, ukoliko nema kandidata sa prebivalištem u općini za koju se imenuje izborna komisija, koji ispunjavaju uslove tražene ovim oglasom.

Izuzetno od odredbe iz člana III tačke 2. posebnih uslova ovog Javnog oglasa, član Općinske izborne komisije može biti osoba koja ima završen Pravni fakultet, odnosno VII/1 stepen stručne spreme, odnosno završen Pravni fakultet bolonjskog sistema studiranja s najmanje 180 ETCS.

Izuzetno od odredbe iz člana III tačke 2. posebnih uslova ovog Javnog oglasa, član Općinske izborne komisije može biti osoba koja ima završenu višu školu, odnosno VI stepen stručne spreme ukoliko je potrebno ispoštovati odredbe člana 2.14. stav (1) Izbornog zakona BiH.

Prilikom izbora člana Općinske izborne komisije osigurat će se multietničnost, tako da odražava zastupljenost konstitutivnih naroda, uključujući ostale, vodeći računa o posljednjem popisu stanovništva.

Sastav izborne komisije će, u pravilu, održavati ravnopravnu zastupljenost spolova.

Za člana Izborne komisije ne može biti imenovana osoba (član 2.3. Izbornog zakona BiH):

1. koja se ne može kandidirati u smislu odredbi člana 1.6, 1.7 i 1.7. a) Izbornog zakona BiH;
2. koja je član najvišeg izvršno- političkog organa političkog subjekta ili koalicije (predsjednik, potpredsjednik, generalni sekretar ili član izvršnog odbora ili glavnog odbora);

3. koja je nosilac izabranog manadata ili član izvršnog odbora organa vlasti, osim u slučajevima predviđenim članom 2.12 stav (4) Izbornog zakona BiH;
4. koje je kandidat za izbore za bilo koji nivo vlasti;
5. kojoj je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje 4 (četiri) godine, računajući od dana pravosnažnosti Odluke.

IV

(POTREBNA DOKUMENTACIJA)

- Prijava o učešću na Javnom oglasu sa kraćom biografijom kandidata, adresom i brojem telefona;
- Dokaz o stručnoj spremi kandidata. Ukoliko je diploma stečena nakon 6. aprila 1992. godine u inostranstvu, dostaviti i dokaz o izvršenoj nostrifikaciji diplome, osim u slučaju kada postoje potpisani sporazumi između BiH i drugih zemalja o uzajamnom priznavanju diploma (ovjerene kopije);
- Dokaz o potrebnom iskustvu u provođenju izbora (ovjerena kopija ili izvod iz službenog glasila akta o imenovanju za člana izborne komisije, potvrda nadležne izborne komisije o imenovanju i radu u biračkom odboru, a u skladu sa članom 10. Stav (1) tačka d) Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini – prečišćeni tekst („Službeni glasnik Bosne i Hercegovine“, br. 29/18 i 36/19);
- ovjerena fotokopija lične karte;
- Uvjerenje Agencije za statistiku Bosne i Hercegovine o izjašnjenju o nacionalnoj pripadnosti, sa posljednjeg popisa stanovništva provedenog na državnom nivou, odnosno dokaz da se kandidat obratio Agenciji za izdavanje istog, pored čega će priložiti i izjavu o nacionalnoj pripadnosti svojeručno potpisanu i ovjerenu kod nadležnog organa, pod punom materijalnom i krivičnom odgovornošću;
- Svojeručno potpisana, ovjerena od nadležnog organa izjava kandidata pred nadležnim organom da nije obuhvaćen odredbama člana 2.3. Izbornog zakona BiH;
- Dokaz o prebivalištu kandidata (Obrazac PBA – 3 da nije stariji od 3 mjeseca, od dana izdavanja od strane nadležnog organa).

V

(ROK ZA PODNOŠENJE PRIJAVE)

Rok za podnošenje prijave na Javni oglas je 8 (osam) dana od dana objavljivanja oglasa na oglasnoj ploči Općine Centar Sarajevo, a osim na Oglasnoj ploči, ovaj Javni oglas će biti objavljen i na web stranici Općine Centar kao i u dnevnim novinama „Oslobođenje“ i „Dnevni avaz“.

Prijave na ovaj Javni oglas sa potrebnim dokazima o ispunjavanju navedenih uslova kandidati će dostaviti u zatvorenoj koverti preporučenom poštom, ili na protokol Općine Centar, sa naznakom: „JAVNI OGLAS ZA IMENOVANJE JEDNOG ČLANA OPĆINSKE IZBORNE KOMISIJE CENTAR SARAJEVO – NE OTVARATI“, na sljedeću adresu: OPĆINA CENTAR, OPĆINSKO VIJEĆE CENTAR SARAJEVO, KONKURSNA KOMISIJA, Ulica Mis Irbina br.1, 71000 Sarajevo.

Nakon zatvaranja Javnog oglasa, a nakon izvršene propisane procedure, konkursna komisija će klasificirati kandidate i nakon toga obaviti intervju i sačiniti rang-listu koju će dostaviti Općinskom vijeću.

Neblagovremene prijave neće biti razmatrane.

Broj: 01-49-1225/19
Sarajevo, 24.06.2019.godine



Predsjedavajuća Općinskog vijeća

Karolina Karačić